

ÁKVÖRÐUN FRAMKVÆMDASTJÓRNARINNAR

2013/EES/9/17

frá 9. febrúar 2010

um röðun tiltekinna byggingarvara í flokka eftir nothæfi með tilliti til viðbragða við bruna að því er varðar jöfnunarefni úr sementi, jöfnunarefni úr kalsíumsúlfati og gólfjöfnunarefni úr gerviresíni (*)

(tilkynnt með númeri C(2010) 772)

(2010/85/ESB)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins, með hliðsjón af tilskipun ráðsins 89/106/EBE frá 21. desember 1988 um samræmingu á lögum og stjórnsýslufyrirmælum aðildarríkjanna um byggingarvörur⁽¹⁾, einkum 2. mgr. 20. gr., og að teknu tilliti til eftirfarandi:

- 1) Í tilskipun 89/106/EBE er gert ráð fyrir því að nauðsynlegt kunnir að vera að setja fram flokka í grunnskjöllum sem samsvara nothæfi vara með hliðsjón af einstökum grunnkröfum svo unnt sé að taka mið af mismunandi verndarstigi mannvirkja á lands-, svæðis- eða staðarvísu. Skjöl þessi hafa verið gefin út sem „Orðsending framkvæmdastjórnarinnar varðandi grunnskjöl með tilskipun ráðsins 89/106/EBE“⁽²⁾.
- 2) Að því er varðar grunnkröfur um varnir gegn bruna eru taldar upp ýmsar innbyrðis tengdar ráðstafanir í grunnskjali nr. 2 sem saman leggja grunn að mótun stefnu á sviði brunavarna sem má útfæra á mismunandi vegu í aðildarríkjunum.
- 3) Í grunnskjali nr. 2 er gerð grein fyrir einni þessara ráðstafana sem felst í því að takmarka myndun og útbreiðslu elds og reyks á nánar tilgreindu svæði með því að draga úr möguleikanum á því að byggingarvörur stuðli að fullþróuðum bruna.
- 4) Einungis er unnt að greina frá umfangi þessarar takmörkunar með því að flokka nothæfi byggingarvara eftir stigum með tilliti til viðbragða við bruna við raunverulega notkun.
- 5) Í samhæfðri lausn var kerfi flokka samþykkt í ákvörðun framkvæmdastjórnarinnar 2000/147/EB frá 8. febrúar 2000 um framkvæmd tilskipunar ráðsins 89/106/EBE að því er varðar flokkun byggingarvara eftir nothæfi með tilliti til viðbragða við bruna⁽³⁾.
- 6) Þegar um er að ræða jöfnunarefni úr sementi, jöfnunarefni úr kalsíumsúlfati, jöfnunarefni og gólfjöfnunarefni úr

gerviresíni er nauðsynlegt að nota flokkunina sem er sett fram í ákvörðun 2000/147/EB.

- 7) Nothæfi með tilliti til viðbragða við bruna að því er varðar margar byggingarvörur og/eða efni, sem falla undir flokkunina sem kveðið er á um í ákvörðun 2000/147/EB, hefur verið rækilega staðfest og er vel þekkt meðal brunaefirlitsaðila í aðildarríkjunum og því er ekki þörf á að prófa vörurnar eða efnin með tilliti til þessara eiginleika.
- 8) Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um byggingarmál.

SAMÞYKKT ÁKVÖRÐUN ÞESSA:

1. gr.

Byggingarvörurnar og/eða efnin, sem uppfylla allar kröfur um nothæfi með tilliti til „viðbragða við bruna“, án þess að þörf sé á frekari prófunum, eru settar fram í viðaukanum.

2. gr.

Sérstakir flokkar, sem gilda um mismunandi byggingarvörur og/eða efni, innan flokkunar eftir viðbrögðum við bruna sem samþykkt var í ákvörðun 2000/147/EB, eru settir fram í viðaukanum við þessa ákvörðun.

3. gr.

Meta skal byggingarvörur við raunverulega notkun þar sem við á.

4. gr.

Ákvörðun þessari er beint til aðildarríkjanna.

Gjört í Brussel 9. febrúar 2010.

Fyrir hönd framkvæmdastjórnarinnar,

Günter VERHEUGEN

varaforseti.

(*) Þessi EB-gerð birtist í Stjtið. ESB L 38, 11.2.2010, bls. 17. Hennar var getið í ákvörðun sameiginlegu EES-nefndarinnar nr. 197/2012 frá 26. október 2012 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá EES-viðbæti við Stjórnartíðindi Evrópusambandsins nr. 6, 24.1.2013, bls. 12.

⁽¹⁾ Stjtið. EB L 40, 11.2.1989, bls. 12.

⁽²⁾ Stjtið. EB C 62, 28.2.1994, bls. 1.

⁽³⁾ Stjtið. EB L 50, 23.2.2000, bls. 14.

VIÐAUKI

Í töflunum, sem settar eru fram í þessum viðauka, eru taldar upp þær byggingarvörur og/eða efni sem uppfylla allar kröfur um „viðbrögð við bruna“ án þess að þörf sé á prófunum.

Tafla 1

Flokkar jöfnunarefna úr sementi og jöfnunarefna úr kalsíumsúlfati eftir nothæfi með tilliti til viðbragða við bruna

Vara ⁽¹⁾	Hámarksþykkt lags: (mm)	Innihald lífræna efna (% af þyngd)	Flokkur ⁽²⁾
Jöfnunarefni úr sementi samkvæmt EN 13813	30	< 20	E
Jöfnunarefni úr kalsíumsúlfati samkvæmt EN 13813			

⁽¹⁾ Lagt á undirstöðu sem heyrir undir flokk D-s2,d0 eða betri með 12 mm lágmarksþykkt og lágmarkseðlismassann 680 kg/m³.

⁽²⁾ Flokkur E sem settur er fram í töflu 1 í viðauka ákvörðunar framkvæmdastjórnarinnar 2000/147/EB, þegar jöfnunarefnið er notað sem undirlag.

Tafla 2

Flokkar gólfjöfnunarefnis úr gerviresíni eftir nothæfi með tilliti til viðbragða við bruna

Vara ⁽³⁾	Hámarksþykkt lags: (mm)	Innihald lífræna efna (% af þyngd)	Flokkur ⁽⁴⁾
Ófyllt gólfjöfnunarefni úr gerviresíni með bindiefni úr epoxýresíni eða pólýúretanresíni eða pólýmetýlmetakrýlatresíni eða vínylesterresíni í samræmi við EN 13813	4	100	E eða E _n
Fyllt gólfjöfnunarefni úr gerviresíni með bindiefni úr epoxýresíni eða pólýúretanresíni eða pólýmetýlmetakrýlatresíni eða vínylesterresíni og fyllt með steinefnablöndu í samræmi við EN 13813	10	< 75	
Fyllt gólfjöfnunarefni úr gerviresíni sem innihalda kísilsand, með bindiefni úr epoxýresíni eða pólýúretanresíni eða pólýmetýlmetakrýlatresíni eða vínylesterresíni og fyllt með steinefnablöndu í samræmi við EN 13813	10	< 75	

⁽³⁾ Lagt á undirstöðu sem heyrir undir flokk A2-s1,d0 eða betri með 6 mm lágmarksþykkt og lágmarkseðlismassann 1800 kg/m³.

⁽⁴⁾ Flokkur E sem kveðið er á um í töflu 1 í viðauka ákvörðunar framkvæmdastjórnarinnar 2000/147/EB þegar jöfnunarefnið er notað sem undirlag, eða flokkur E_n, sem kveðið er á um í töflu 2 í viðauka ákvörðunar framkvæmdastjórnarinnar 2000/147/EB þegar jöfnunarefnið er notað sem undirlag.